



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

Quemadmodum sermo temperandus. 8

**urn:nbn:de:hbz:466:1-14298**

150 CONCILII PROVINC. COLON. ANNO M D XXXVI

quod unam ovinulam nutrit , alteram macerat aut maectat. Culpaverit aliquis avaros ; prodigus hinc argumentum prodigalitatis suæ colligit : culpaverit prodigos ; avarus inde tenacitatis suæ excusationem arripiet. Ea est hominum malitia, ut, nedum alia , sed & sanctissimum Dei verbum , pro suis quisque affectibus , ac ad sua desideria consofenda potius quam eradicanda, trahat. Videmus, proh dolor , quemadmodum haec tempestate plerique sacras literas in parabolam ac proverbium vertant , atque ad excusandas excusationes in peccatis , summa vi atque impudentia torqueant, adulterantes verbum Dei. Quare Parochus cautissima sollicitudine agere debet, per gladium Dei , secantem à dextris & sinistris , ut medium iter pateat ad incedendum per viam regiam mandatorum Dei.

*Psalm.  
140.*

C A P. VIII. *Quemadmodum sermo temperandus.*

A T temperandus sermo , quoad ejus fieri potest, pro auditorum captu. Alii siquidem acri ingenio ac judicio sunt , alii hebetes animo , ac rudi Minerva prædicti : quidam attenti , quidam vero desides : hi recte ac sincere instituti , illi seducti ac decepti. Discretione ergo maxima opus est. Breviter ; nemo erit concionator absolutus , cui præter vitam exemplarem non adhuc omnia quæ sequuntur : nempe, cognitio Scripturarum utriusque Testamenti, ingenium velox, solers atque versatilis, eloquentia vehemens , suadibilis & suavis ; neque interim minus temperata , quam copiosa ; prudentia rerum ac personarum documentarum, experientia multiplex , immobilis constantia : denique spiritus ; qui si deerit, reliquis donis parum profecerit. Non enim vos estis qui loquimini , sed Spiritus Patris vestri qui loquitur in vobis. Quomodo enim ad æternarum rerum desideria alios accendet, qui ipse totus languet ac friget , nondum spiritu concepto qui ex Deo est , quem & ipse Deus dat bonum potentibus se? En , quam arduum est concionandi munus : nec tamen propter ea dissidentia (quæ plerumque multos avertit) deferendum. Ad euangelizandum missi sunt Parochi. Væ ergo illis, si non euangelizaverint. Si quis autem eorum sapientia indiget, scrutetur Scripturas , & postulet à Deo , qui dat omnibus affluenter , & non improperat; & dabitur ei.

*Matt. 10.*

*I Cor. 11.  
Iac. 1.*

C A P. IX. *Quid cavendum inter concionandum.*

*Ex epif.  
Inn.*

*2 Tim. 1.*

C Avebit autem modis omnibus , ne lubricus in docendo sit, hic illucque effluens. Et in primis, ne vento doctrinarum, ab Ecclesia Catholica non receptarum , veluti nubes

fine aqua , circumferatur ; sed formam habebit sanorum verborum , ab Ecclesiæ ( quæ columna veritatis est ) instituto nihil discrepantium. Tu ( inquit Paulus ad Titum ) loquere, quæ decent sanam doctrinam , verbum sanum & irreprehensibile.

*Tit. 2.*

C A P. X. *Nihil aut fabulosum aut suspectum adferendum.*

I Neptas autem & aniles fabulas devitabit ; *1 Tim. 4.* qualia nuper erant , quæ ex nullis probatis *2 Tim. 2.* autoribus , sed potius suspectissimis obscuro-*Tit. 3.* rum hominum commentis , adferabantur exempla ; olim vero genealogias interminatas , quod ad pietatem illa nihil fecerint. Exercebit autem seipsum ad pietatem ; quod corporalis exercitatio ad modicum utilis fit , pietas autem ad omnia utilis , promissionem habens vitæ quæ nunc est , & futuræ.

*1 Tim. 4.*

C A P. XI. *Loquacitas vitanda.*

N Eque minus vitabit prophana & vaniloquia , hoc est , futilem & inanem loquacitatem , qua nonnulli ratione inationibus humanis fallam scientiæ opinionem fibi venantur. Sic enim suum compellar Timotheum Paulus : O Timothee, depositum serva , devitans prophanas vocum novitates , & oppositiones falsi nominis scientiæ ; quam quidem promittentes, circa fidem exciderunt.

*1 Tim. 6.*

C A P. XII. *Quemadmodum Parochum adversus hereticos pugnare oporteat.*

P Aratos nos esse vult Apostolus Petrus ad *2 Pet. 3.* satisfactionem omni poscenti nos rationem de ea , quæ in nobis est , spe & fide , sed cum modestia & timore. Neque ergo doceat, neque intendat his Parochus, quæ quæstiones magis præstant , quam ædificationem quæ est ex charitate , *1 Timoth. 1.* Et iterum *2 Timoth. 2 & 3.* Paulus ait : Stultas & sine disciplina quæstiones & pugnas legis respue , sciens quia generant lites ; fervum autem Domini non oportet litigare. Proindeque , ubi cum hereticis res est , corripet quidem eos cum modestia qui resistunt veritati , ne quando Deus det illis poenitentiam ad cognoscendam veritatem , & relipiscant à diaboli laqueis , à quo tenentur captivi ad ipsius voluntatem. Quod si non proficerit , hereticum hominem post unam & secundam correptionem deviter , sciens quia subversus est qui ejusmodi est , & delinquit , quum sit proprio iudicio condemnatus. Nequaquam autem ad *2 Tim. 2.* populum verbis contendat : ad nihil enim utille est , nisi ad subversionem audientium : memor Apostolici sermonis , quo rejiciuntur omnes,

*Tit. 3.*